

蘭雪堂古事苑定本

蘭雪堂古事苑定本卷之四

饒安

鄧志謨精進錄二編輯

戴珉潔澄

西泠

戴璵淵石 參定

戴琰師曾

英賢

丹丘焚日名世生期。絲雲聚時賢人隱處。齊四臣照千里。黔夫種首輩。炳耀霸功。唐諸士復二京。子儀李晟等。頡頏將略。文王美佐。爲疏附。爲先後。爲奔走。爲禦侮。造

周家有道之長戰國豪君曰信陵曰平原曰春申曰孟嘗。逞季世爭雄之力。呂端爲台輔。器天子股肱。柬之真宰相。才臣工冠冕。耿將軍英風灑灑。爲天邊附鳳之人。李學士豪氣翩翩。作海上釣鰲之客。氣雄千古。終生請弱冠之纓。志益羣公司馬。題壯年之柱。文舉傳聞。弭記見敬於陳登。寇恂禦衆。牧民受知於光武。陳自然寸心耿耿。謝安石大才槩槩。毛遂爲處囊之錐。必然脫穎。趙壹是斬鯨之劍。更已發硎。裴琰之英敏無朋。乃霹靂手。顧君孝丰儀迥別。真驥裏蹄。五嶽爲詞峰。四溟作胸臆。

皮公賦英雄豪舉之詩。稷契光虞夏。伊呂翼商周。王儉
詠宰相風流之句。員半千必乾坤啓運。乃產此人。張萬
福雖草木知名。更稱異品。虞世南擅五絕。文林技藝諒
無雙。馮士式。中三元。翰苑詞章推第一。九齡金鑑。天子
著龜。李勣。長城生民保障。何子朗。固人中。爽爽劉盆子。
乃鐵裏錚錚。相業恢弘。婦孺識司馬名姓。治功炳燿邊
塞間。富公起居。郭泰起多士之景從。馬周來四輩之督
趣。爲人必學唐王翰。乃有比鄰生子。當如孫仲謀。差堪
齒吻。

史記魏惠王曰寡人有徑寸之珠照車前後各十二

乘者十枚齊王曰吾有四臣將照千里豈特十二乘

哉四臣謂黔夫種首盼子檀子也唐書祿山反子儀諸人恢復之

子儀封汾陽王後乃以傘騎退敵朱泚反李晟等擊

之作露布上行在口臣已肅清宮禁祇謁寢園鍾簋

不移廟貌如故上泣下曰天生李晟非爲朕也大

雅文王詩云虞芮質厥成文王黷厥生予曰有疏附

予曰有先後予曰有奔走予曰有禦侮史稱戰國

四君者楚春申君名歇趙平原君名勝魏信陵君名

無忌齊孟嘗君名交俱各以功力相尚當時謂四豪

宋趙普在中書呂端爲參政趙嘗語人曰吾觀呂

公奏事得嘉賞未嘗喜遇抑挫未嘗懼真台輔之器

也。唐書武后謂狄仁傑曰安得一奇士用之仁傑

曰張柬之雖老宰相才也。漢諸將欲土光武尊號

光武不可耿純進曰諸將從大王於矢石間正願攀

龍鱗附鳳翼耳今不正尊號大眾必散矣光武乃卽

位。李白事詳後人品類終軍年弱冠上書曰臣請授長纓

縛南粵王致闕下武帝壯之。司馬相如過昇仙橋

題其柱曰不乘駟馬車不復過此橋後果建節而還

後漢陳矯謂陳登曰遠近之論謂明府驕而自矜

登曰閉門雍穆有德有行吾敬陳元方兄弟淵清玉

潔有禮有法吾敬華子魚清修疾惡有識有義吾敬

趙元達博聞強記奇逸卓犖吾敬孔文舉雄姿傑出

有王霸之略吾敬劉玄德所敬如此何驕之有寇

詳薦馬子才送陳自然序云子之此遊挾何術以

往曰吾視囊中不見乎有物視吾胸中耿耿者尚在

也晉謝安王坦之時稱大才槃槃謝家安江東獨

步王、文度、史記平原君修好於楚毛遂請行平原
君曰士之處世如錐之處囊其末立見遂曰使臣得
處囊中則脫穎而出矣後漢趙壹羊陟造其廬奇
之曰子之才發硌之刃也不用之斬鯨刺犀負此鋒
銳矣唐裴琰之爲同州司戶年少刺史輕之命判
積案數百道琰之一時剖決刺史大驚號霹靂手
吾顧和字君孝族叔榮見其丰儀迥別恒雅重之謂
人曰此吾家麒麟也騷音香虞音烏
神馬日行千里皮日休有大
志嘗作詩云五嶽爲詞鋒四溟作胸臆南宋史云

王儉少有宰物之志。嘗賦詩云。稷契光虞夏。伊呂翼商周。及爲相。人目之爲風流宰相。唐員半千。初名兆。舉童子科。對詔高第。長史王義方賞其豪邁。且曰。五百歲一賢者生子。其當之。因改以今名。曰半千云。唐張萬福爲濠州刺史。改名正。德宗名謂曰。先帝改爾名爲正。褒之也。朕謂江淮草木。亦知爾名。復賜如舊。唐太宗稱虞世南有五絕。德行忠直。博學文詞。書翰俱非人所能及。宋馮京字士式。文章豪邁。凡省試會試廷試俱第一。且措之事業大有作爲。人

以爲不負科名。

金鑑詳君道篇

李勤有才能唐太宗謂

曰卿朕之長城也。

勤音述功勤也

梁何子朗擅才名人語

曰東海子朗人中爽爽。

漢史云劉盆子鐵中錚錚。

人中佼佼。

宋司馬光爲相天下愉悅田夫野老皆

號司馬相公而婦人孺子亦知其爲君實也東坡云

兒童誦君實走卒知司馬。

宋書云富弼早有公輔

之望天下皆稱之曰富公名聞邊塞遼使每至必問

其出處安否。後漢郭泰字林宗容儀甚美士林皆

景從之。唐書馬周有才名太宗聞而名之未至上

使四輩督促之。

趣音促。

唐王翰文士也。杜華母云。吾

欲卜居。使汝與王翰爲鄰。竟徙居從之。

曹操欲伐

吳。見孫權率兵隊仗整肅。嘆曰。生子當如孫仲謀者。

劉景升兒子豚犬耳。

英賢二

孔明臥龍子。建繡虎名重於儒林。陸雲隱鵠。鄧艾伏鷲。
譽高於藝苑。瀛洲登學士。文章組霧經雲。西邸寓奇人。
丰采離塵絕俗。杜尚書稱武庫。萬有充盈。楞里子號智。
囊百家該括。李揆有聲於北。却羨南朝第一人。謝安見。
重於時。尤爲西晉無雙。相嵇紹處儔伍。昂昂然野鶴出。
雞羣。王衍邁庸流。炯炯乎明珠在瓦石。薛家三鳳皆羽。
儀王國之才。荀氏八龍盡潤澤。生靈之物。三蘇詞藻。廟。
賈壘而短劉牆。二宋文章薰班香。而摘宋艷。謝公枕藉。

乎江左。王粲冠冕乎漢南。東方袞衣留馬公。不住北門。
鎖鑰舍寇老其誰。麟閣一十一人。譽望與斗山並峻。雲
臺二十八將。勳庸同日月爭光。龐士元寧百里才。關雲
長實萬人敵。八元八凱養成。上古之醇。一范一韓驚破。
西人之膽。王戎簡要裴楷。清通非龍非彪。非熊非羆。文
王獵英師於渭水。作霖作雨。作舟作楫。武丁起賢相於
傅巖。南金東箭者功奇。璞玉渾金者材美。英標若狄仁
傑。豈應滄海遺珠。壯志如宋延清。畢竟龍門奪錦。

世說補。曹植字子建。七步成章。人目爲繡虎。晉陸

雲善文章世號隱鵠。魏鄧艾有才智世號伏鷲。

唐太宗朝學士十八人。杜如晦。房玄齡。虞世南。褚亮。姚思廉。李玄通。蔡允恭。薛元敬。顏相時。蘇易。于志寧。蘇世長。薛收。李存素。陸德明。孔穎達。蓋文達。許敬宗。時謂十八學士登瀛洲。南史。竟陵王開西邸招文學士。沈約。王融。謝朓。任昉等游焉。當時號爲得奇人。晉杜預爲尚書。富於學術。時號爲杜武庫。戰國秦樗里子腹有才識。號智囊。漢鼂錯學中商刑名。以文學爲太常。亦號智囊。唐李揆美丰儀。拜平章。

事帝曰卿門第人物文學皆爲當世第一足稱三絕。後使吐蕃戎長謂曰聞唐有第一人李揆公是否。晉謝安有重名時人相語曰安石不起如蒼生何。後王儉謂曰江左風流宰相惟有謝安而已。晉書嵇紹傳云紹於稠人廣衆中昂昂然若野鶴之在雞羣也。晉王衍字夷甫美丰儀王敦稱其處衆中如珠玉在瓦石間顧愷亦稱衍巖巖清峙壁立萬仞。唐薛元敬薛收及族兄德晉居河東皆有才名時稱河東三鳳。後漢荀淑潁川人好學有高行桓帝朝出

簡明陵侯蒞事明理。稱為神君。生子八人。儉緼靖肅。
汪、爽、肅、勇、惟、爽、字、慈、明、最、為、巨、擘。語曰：荀氏八龍，慈、
明、無、雙。穎陰令更命其里曰高陽里。宋蘇洵二十
七始發憤為學。與二子軾、轍至京。歐陽修得洵所著
權書衡論。以為賈誼劉向不能過也。一時父子皆知
名。號為三蘇。唐人詩云：氣劇屈賈壘。目短曹劉牆。
宋郊、宋祁兄弟同試。奏名以祁第一。章憲太后曰：
弟可先兄乎。並賜狀元。時號大小宋。唐文粹云：薰
班、香、摘、宋、艷。班固晉書：謝安傳：安為相。不動聲色。

宋玉

惜生民於枕席之安。後漢王粲避亂依荊州劉表。才高作賦爲漢南首冠。周公居東東人留之。詩曰。是以有蓼衣兮。毋以我公歸兮。毋使我心悲兮。宋書寇準守大名府。北使至。謂曰。相公有重望。何不在中書。準曰。聖主以北門鎖鑰。非準不可。漢宣帝思股肱之美。圖功名於麒麟閣。惟霍光不名。其次張安世。韓增。趙充國。魏相。丙吉。杜延年。劉德。梁丘賀。蕭望之。蘇武。凡十一人。漢明帝思功臣。乃圖畫二十八將於南京雲臺。以鄧禹爲首次。馬成。吳漢。王良。賈復。

陳俊耿弇杜茂寇恂傅俊岑彭堅鐔馮異王霸朱祐
任光祭遵李忠景丹萬修蓋延邳彤姚期劉植耿純
臧宮馬武劉隆又益以王常李通竇融卓茂合三十
二人馬援以椒房之親獨不與焉蜀志龐統任來
陽令在縣不治魯肅曰士元非青里才若使爲治中
別駕始展其驥足耳通鑑高辛氏有才子八人口
伯奮仲堪叔獻季仲伯虎仲熊叔豹季狸天下謂之
八元舜舉之使布五教高陽氏有才子八人曰蒼舒
齔攸檮戴大臨龐降庭堅仲容叔達天下謂之八凱

舜舉之使舉后土 宋范仲淹韓琦與西夏人話曰

軍中有一范西人聞知驚破膽軍中有一韓西人聞

知心膽寒 世說云王戎裴楷方總角時共詣鍾士

季既去有客問二子人品鍾曰王戎簡要裴楷清通

後當爲吏部尚書果然 渭水傳嚴 晉書顧衆吳

郡人虞潭會稽人並起兵討蘇峻贊曰顧實南金虞

惟東箭 晉山濤字巨源武帝朝爲吏部尚書甄拔

人才各爲題目奏之時稱山公啓事王戎目之爲璞

玉渾金人皆欽其寶莫知名其器 唐狄仁傑爲吏

誣訴閻立本名訊異之曰可謂滄海遺珠唐武后
遊龍門命羣臣賦詩先成賜錦袍宋之問詩成文理
兼備乃就奪東方虬錦袍衣之武后曰姑試卿等耳
仍賜東方虬錦袍

宋之問
字延清

英賢三

虎○生○文○炳○鳳○出○采○揚○鍾○元○常○一○代○偉○人○裴○神○駒○三○河○彥○
士○徐○勉○裴○英○騰○茂○冀○之○北○羣○馬○遂○空○狄○公○絕○類○離○羣○斗○
以○南○一○人○而○已○直○言○不○諱○汲○長○孺○固○社○稷○臣○豪○氣○未○除○
陳○元○龍○真○湖○海○士○江○東○百○年○之○業○非○安○石○如○蒼○生○何○春○
秋○九○合○之○勳○微○管○仲○其○左○衽○矣○司○馬○公○氣○吞○八○九○雲○夢○
范○老○子○胸○藏○十○萬○甲○兵○仲○山○甫○佐○周○朝○色○絲○補○袞○蕭○相○
國○興○漢○室○刀○筆○平○衡○一○闕○八○荒○伊○尹○自○任○以○天○下○之○重○
寸○心○千○古○韓○愈○不○讀○非○聖○人○之○書○張○子○野○號○三○影○郎○中○

聲施末世郭弘霸爲四其御史名重當年陳遼足驚座
之賓李廣真嚇蠻之將崔伯彥崔仲文兩鳳齊飛劉公
山劉正禮二龍並躍李太白驅馳屈宋鞭撻楊馬郁郁
乎茂實歲彘司馬遷貫穿經傳馳騁古今彬彬然榮聲
洋溢皇甫湜儒林雋望瞻仰依歸張九齡文陣雄師縱
橫莫敵具棟梁之用森森乎和嶠千丈松備瑚璉之資
炯炯乎鄒生一片玉鄒衍談天肆辯壯語驚人袁宏倚
馬作文雄才傾峽諸葛固略中之樂毅王導乃江左之
夷吾謝玄捷淝水之師頻搖地軸劉琨發荊州之解足

破天荒越府三才不是尋常人物平原二陸孰非卓犖
英雄衛叔寶丰標迥異真玉人哉劉器之志節勿磨乃
鐵漢耳

翰苑新書云虎生而文炳鳳出而采揚天姿美故也魏

鍾繇字元常遷太尉時華歆王朗並先朝名臣文帝

謂左右曰此三公者皆一代之偉人也北史裴駿

字神駒河東人太祖討蓋無駿陳敘事宜太祖悅因

稱爲三河領袖南史徐勉宗人孝嗣見其美嘆曰

此人中騏驎也必能致千里唐書武后攘奪神器

狄仁傑蒙恥奮忠引張柬之等反周爲唐藺仁基美其誼曰狄公之賢北斗以南一人而已漢書汲黯

字長孺性鯁直君有過必直言折之武帝謂左右曰古有社稷臣如黯近之矣陳元龍詳賓主篇謝表詳前篇司馬

相如子虛賦吞若雲夢者八九於其胸中曾不帶芥

米范仲淹守西夏夏人戒曰此小范老子胸中有

數萬甲兵不北大范老子可欺也范雍亦嘗守西夏詩云

衰職有闕仲山甫補之謂盡相職漢書蕭何佐漢祖取

天下乃起自刀筆吏詩話張子野爲郎中詩有雲

彼月來花弄影。浮萍破處見天影。隔牆送過鞦韆影。
人謂之三影郎中。唐郭弘霸自陳討李敬業。臣嘗
袖其筋食其肉。飲其血。絕其髓。武后悅。授監察御史。
人號四其御史。漢陳遵有重名。時有與遵同姓名
者。有客坐定。報傳遵至。坐中賓客莫不震動。號陳驚
坐。漢李廣鎮北平。邊人畏之。號飛將軍。北齊史
崔陵字伯彥。與弟仲文同日被顧命拜相。時人榮之。
稱兩鳳齊飛。吳志劉繇字正禮。兄岱字公山。有人
薦之於刺史曰。明公舉公山於前。用正禮於後。所謂

御二龍於長途。騁騏驎於千里。李翰林草堂集序。
云。馳驅屈宋。鞭撻楊馬。千載獨步。惟公一人。歲。蔡。
草木暢茂之謂。裴音隨。漢司馬遷贊云。其涉獵者廣。
博。貫穿經傳。馳騁古今。唐書皇甫湜負才名。與白。
居易。劉禹錫等相頡頏。儒林推爲雋望。王堂遺事。
張九齡爲文。俊逸雄偉。人莫敢當其鋒。學者僉謂之。
文陣雄師。晉書和嶠有盛名。庾亮見而嘆曰。嶠森。
森如千丈松。雖礫硠有節。日施之。大厦有棟。梁之用。
晉郊詵傳。詵桂林之一枝。崑山之片玉。史荀卿。

傳云鄉衍之術迂大而閎辨齊人曰談天衍晉史

桓溫北征鮮卑喚袁宏倚馬前作露布文手不輟筆

世以爲倚馬作文李白事非也諸葛亮躬耕南陽

自比於戰國時之樂毅晉渡江時江左草創綱維

未舉溫嶠殊以爲憂及見王導共談歡笑曰江左自

有管夷吾吾復何憂謝玄事荆州舉子久不發

解人以爲天荒劉琨乃以舉人廷試第一因號破天

荒琨音退晉書東海王越川三才劉興長才濟濟

大才裴邈清才號越府三才平原二陸謂陸機陸

雲兄弟

晉書衛玠字叔寶美丰儀當時稱為玉人

王敦雅重之嘗謂謝鯤曰昔王輔嗣吐金聲於中朝

此子今復玉振於江表微言之緒絕而復續不意永

嘉之中復聞正始之音阿平若在當復絕倒

王澄字平子亦

稱阿平

宋劉安世字器之有與蘇東坡論元祐之才

者東坡曰器之真鐵漢不可及也

英賢四

周武之能臣十亂。漢高之傑佐三人。堯舜作大章一夔。
自足。宋宗選承旨五鳳聯飛。二鮑二王。氣節才華可錄。
三蘇三呂。文章事業何如。可人曾曰。王敦好漢。只稱吳。
進建安七才子。共著文名。程門四先生。互傳道統。荒年。
穀豐年。玉聲價並高。魏家壁孔家金。珍奇俱絕。上官儀。
神仙之態。劉立德霸王之姿。韓信奇才。用處可當一而。
柳惲實學。分來足了。十人蜀五常。英光昭家譜。唐三。
才之絕。美冠儒紳。沈謝曹劉俱可。暗中摸索。封胡羯末。

盡堪舌上揄揚。羅含固荆楚之材。賈誼乃洛陽之俊。四
足居士以恬以澹家風。三紅秀才又巧又新。詩句人中
佼佼。鐵中錚錚。遠邁庸流。千人諾諾。一人謬謬。迥超時
俗。投戈作露布。非修期而何。飲酒讀離騷。必元朗乃爾。
李廸公輔器。更自恢恢。彥國王佐才。豈應落落。邊羅漢
孰非佳號。洪佛子偏是異稱。唐嗣甫爲齊王。金城一朝
保障。魏鄆公作太宗寶鑑。千古元龜。

漢三傑。謂張良韓信蕭何。後漢書云。章帝命曹褒
爲定禮。謂之曰。昔堯帝作大章一夔足矣。宋書太

邊鎬守長沙。性柔寬。吏民甚愛之。號爲邊羅漢。趙
宋洪皓尹海寧。秀州水移粟活九萬五千人。時號供
佛子。金城詳地理篇唐書魏徵封鄭公。耿直不阿。君有
過。必諫之。及死。太宗慟曰。以銅爲鑑。可正衣冠。以古
爲鑑。可知興替。以人爲鑑。可明得失。朕嘗寶此三鑑。
內防已過。今魏徵逝。一鑑亡矣。

廉潔

厚德鎮浮。孤標拔俗。出層氷於巨壑。清絕塵埃。和玉屑於脩莖。氣融沆瀣。黃金雖好。馮驩以市義爲先。白璧縱良。子罕以不貪是寶。義重裴寬。居家無也。苴之物安貧。王質到處有氷檠之聲。却除僚友。贈羊君懸梁上之魚。愛惜子民財。馮尹齊廡中之馬。遠趨流俗。杜暹稱百紙。參軍迺出等倫。劉寵號一錢。太守鍾離委珠璣於殿上。衆人皆濁而彼獨清。李勉投犀象於江中。舉世盡汚而渠自潔。楊秉驅夫三惑。操履堅貞。列僊居然一體。形容

枯寂四知不泯楊伯起辭暮夜之金一潔無瑕吳隱之
披寒冬之絮趙抃攜琴入蜀輕煙一轡馬偏驕鄧攸載
米來吳明月片帆舟自穩包公不持佳硯清淇冰壺甄
老獨取瘦羊評香月旦制行有如唐介必不同僚屬分
珠甘貧誰似修齡豈肯向陶公索米胡質給絹爲兒曹
服俸有餘資范宣裂帛作婦人幘禮難再却

唐竇侍御姿容豐美杜甫贈詩云驥之子鳳之雛炯
如清冰出萬壑置之迎風寒露之玉壺

迎風館寒露館皆漢武帝

所作中有玉壺

玉屑修莖漢武柏梁臺事

史記孟嘗君

使馮驩收債於薛。驩曰：「債畢收，以何市而反？」孟嘗君曰：「視吾家所寡有者。」驩之薛而返。孟嘗君怪而問之。驩曰：「臣竊計君宮中積珍寶，狗馬實外廐，美人充下陳。君家所寡有者，惟義耳。」臣矯君命，以債賜諸民，因燒其券。民稱萬歲。竊以爲君市義。」左傳：宋人或得玉，獻諸子罕。子罕曰：「我以不貪爲寶，爾以玉爲寶，若以與我，皆喪寶也。」不若人有其寶。」卒弗受。喪寶謂一喪廉一喪寶。唐韋誥登樓，見人於園有所瘞藏者，使吏召其人至，乃裴寬也。問其故，答曰：「寬義不以苞苴污家，適

有餽鹿者致而去。故瘞之。詵嗟嘆之不已。宋王質以貧爲寶。嘗得顏魯公乞米帖。刻石以模之。徧遺親友。終身不貪。所至有水漿聲。藥音栢。卽黃栢。漢羊續守廬江。有獻生魚者。續懸於庭後。又獻之。乃出所懸者以示之。蓋杜其意也。唐馮元淑歷浚儀。始平二邑令。單騎赴職。未嘗以妻子之官。所乘馬不與芻豆。人謂之齋馬。唐杜暹爲婺州叅軍。秩滿歸。吏贖以紙。幅暹受其百人。謂之百紙叅軍。後漢劉寵爲會稽守。郡中大化。徵爲將作大匠。山陰五六老叟。人齋百

錢送寵寵選一大錢受之時號一錢太守漢鍾離
意爲尚書時交太守張恢坐贓徵還伏法詔賊物
頒賜羣臣意得珠璣委之殿上帝問其故對曰孔子
忍渴於盜泉之水曾參回車於勝母之閭惡其名也
此贓穢之寶誠不敢拜上白清哉尚書也乃更以錢
十萬賜之唐李勉拜嶺南節度使極廉潔歲久名
還恐家人所蓄有犀角象牙珍寶悉搜出之投之江
中後漢楊秉爲太尉以淳白稱常從容謂客曰我
有三不惑謂酒色財也故贊云秉去三惑相如博

云相如以爲列仙之傳居山澤間形容甚臞

漢揚

震爲東萊太守。道過昌邑。故人王密懷金十斤以遺震。曰。暮夜無知者。震曰。天知地知。我知子知。何謂無知。密愧而去。晉書。吳隱之性廉潔。冬止一襖。或洗。惟披絮。賓至必俟服乾。然後出見。宋趙清獻公。初任成都。攜一琴一鶴一馬而行。其再任也。屏去琴。鶴止。有一蒼頭執事。晉鄧攸字伯道。爲吳郡子載。米而往。唯飲吳郡之水而已。後任滿而去。百姓攀留。有鄧侯挽不留。謝令推不去之語。宋書包拯守端。

州端溪有龍尾石硯公任滿日不持一硯而歸

瘦

博士詳
文職篇

言行錄潭州一巨賈私藏寶珠爲關吏所

搜太守而下輕其估悉自售焉時唐介以言事謫潭

倅分珠獄發仁宗曰唐介必無是案覽案果然世

說王修齡嘗在東山甚貧乏陶道則爲烏程令送米

一船答曰王修齡餓自就謝仁祖索食不須陶公送

米晉胡威父質守荊州威往省之及歸質賜威絹

一匹威跪曰太人清素於何有此質曰吾俸祿之遺

故以爲汝曹之服耳世說晉范宣素清潔韓康伯

遺絹百匹不受。減五十匹。復不受。如是減半。遂至一匹。既終不受。韓後與范同載。就車中裂二丈與范云。人寧可使婦無幃耶。范笑而受之。

廉潔二

膏○脂○莫○潤○圭○玉○無○瑕○張○堪○乘○折○轅○車○可○謂○古○人○古○器○主○
續○臥○補○紙○被○乃○知○素○士○素○風○帛○亡○於○庫○庾○水○遽○市○絹○還○
官○橘○熟○於○廳○柳○玳○且○輸○錢○納○直○吳○隱○之○性○真○澹○若○不○妨○
一○飲○食○泉○鍾○離○意○稟○質○粹○然○寧○肯○羣○分○穢○物○受○茶○一○串○
陸○公○履○素○合○貞○飲○水○一○盂○趙○子○吞○芳○茹○潔○李○廩○爲○司○馬○
居○家○常○設○敞○門○簾○陸○納○作○尚○書○去○任○但○存○殘○襪○被○自○甘○
淡○素○石○公○不○受○盤○飧○勿○慕○膏○腴○沈○顗○固○辭○梁○肉○余○文○襄○
懷○雅○操○未○載○南○方○一○物○還○趙○清○猷○樹○高○標○不○攜○西○蜀○瓜○

琴返向文簡。駕牛易勒淳德可。風項仲山飲馬投錢素。
行足錄介然絕俗人。嘉獨立使君潔矣離塵士。服真清。
長史無貪饕之極慾。曾聞魯相辭魚有廉靜之遺風。又。
見時公留犢觀廣陵。濤出去念慮無求載鬱林石。歸來。
聲名愈重契券豈詩文金珠非肺腑。臨朱夫子正是賢儒。
有官居鼎鼐。無地起樓臺。寇萊公允稱名相。

膏脂莫潤二句。李義山文。漢光武召諸郡計吏問。
其風土及前後守令能否。樊顯進曰。漁陽太守張堪。
昔在蜀郡。仁以惠下。威能討奸。公孫述破時。珍寶山。

積捲握之物足富十世。而堪去職之日。乘折轅車。布被囊而已。後漢羊續為南陽太守。以儉率下。臥一布被。被敗則以紙糊之。晉庾冰傳。冰天性清慎。子襲嘗貸官絹十餘匹。冰知怒。捶襲。即市絹還官。唐柳玘為嶺南節度使。屏中橘熟。兒女摘食之。遂輸錢納直於庫。咸嘉之。隱之詳地理鍾離詳前篇唐陸贄為壽州刺史。往謁張鎰。鎰餉錢百萬。曰請為屏夫人一日享。贄不納。受茶一串。曰敢不承公之賜。隋趙範為齊州別駕。入朝。父老送之。曰公清如水。請酌一杯水以

奉餞公爲飲一杯

唐李廌爲司馬有清德其妹劉

晏妻也。晏方秉政。嘗造廌寢室。見門簾甚敝。令工人

編鹿竹爲一簾。加以綠飾。將持贈廌。三攜至門。不敢

發言而去。

廌音亦

晉書陸納拜尚書。臨發。止有壞被

襖而已。以外行李蕭然。

晉書石介爲舉子時。讀書

於南都。時侍郎王濟聞其窮困。因餽以盤飧。却而不

受。曰。今日固好。明日如何。

梁沈顗齊末兵荒。與家

人併日而食。有餽梁肉者。閉門不受。唯採蓴菜荇根

以供食。

顗音以

趙宋余靖嘗爲廣西女撫。及北歸。不

載南方一物士嘉其清潔

趙清獻
詳前篇

言行錄向文

簡公敏中判大理時僕以青絲爲勒以御馬公曰昔

晉武帝爲君猶不爲此我何靡焉遂命以白麻代之

項仲山安陵人飲馬渭水每投三錢郝廉亦然

僊立使君
詳文職篇

唐書陸景倩爲長史按察使覆州

縣敗最吏言狀曰基強清基詐清惟景倩乃真清人

號真清長史史記公儀休相魯而嗜魚一國爭買

魚獻之公儀子不受其弟曰夫子嗜魚而不受何也

公儀子曰夫惟嗜魚故不受也今爲相能自給若愛

魚而免於相離復給我魚者

時公積
詳畜產

明朝正統

間。聶大年性廉靜有門生任揚州尹公往詣之巨賈
有罪以千金賂公求免公曰此來爲觀廣陵濤并看
無雙亭瓊花請公勿猜作跨鶴揚州客也吳陸績
遠祖爲鬱林太守及歸舟輕取石壓之世號爲鬱林
石朱文公疏今之在位以金珠爲脯醢契券爲詩
文真斯世確症也

寇萊公
詳官室

忠直

直道無回。精忠不屈。森農白簡之陳風。銷羣枉。愷切青蒲之奏。日照孤忠。仲舒爲世醇儒。叔向真古遺直。崔隱甫不屈牛仙客。侃侃剛風。汲長孺獨揖衛將軍。行行正氣。腕可斷麻。不可草韓致元格。君心之非山。可移判。不可搖。李元紘持大下之正。昂昂楚楚。劉行本寧作弄臣。懇懇勤勤。陸忠宜允爲吉士。蜀正方之莫犯。腹中應有甲鱗。唐克治之難于李下。固無蹊徑。乘馬諫天子。張湛心忠。請劍斬佞臣。朱雲氣壯。豐稷讀仇士良傳。朗宣豈

作。嘯。嘯。聲。呂。誨。彈。王。安。石。文。直。論。寧。爲。軟。媚。態。凜。英。聲。
於。天。下。桓。御。史。馳。當。道。之。驄。植。風。采。於。朝。端。李。諫。官。開。
朝。陽。之。鳳。直。聲。振。動。孔。道。輔。扣。響。門。環。義。氣。奮。揚。申。屠。
剛。觸。殘。車。駕。虎。在。山。而。莫。采。蔡。藿。豺。當。道。而。寧。問。狐。狙。
李。節。度。瞻。落。於。溫。造。允。矣。柱。後。惠。文。裴。延。齡。相。沮。於。陽。
城。誠。哉。人。中。日。執。風。聲。動。地。謾。道。先。生。鐵。作。肝。賊。武。震。
天。却。說。此。公。是。膽。誓。言。弘。霸。必。欲。抽。反。臣。敬。業。之。筋。
伏。罪。郭。彰。安。被。御。史。劉。噉。之。角。

唐任昉爲一史中丞奏彈曰臣謹奉白簡以聞。
簡畧然也

漢書史丹遷侍中元帝欲廢太子丹直入臥內伏

青蒲以諫皇儲遂定

以青規地日藩非皇后不至此

左傳昭十四

年孔子曰叔向古之遺直也治國制刑不隱於親

漢董仲舒以賢良對策爲漢醇儒唐嚴挺之等贊

挺之拒宰相不肯見李林甫崔隱甫違詔不屈牛仙

客信剛者乎漢衛青爲大將軍公卿以下皆折節

拜之惟汲黯獨不拜曰以大將軍有揖客顧不重耶

唐韓偓字致元宰相韋貽範以母喪罷去制未滿

急求起復昭宗詔還位命韓偓草制偓曰腕可斷麻

不可草

唐武后時李元紘遷雍州司戶時太平公

主與僧爭確磴百官皆順旨元紘遂判於寺僧長史

竇懷貞大懼迫令改之元紘大署判後曰南山可移

此判終無搖動隋劉行本爲左庶子太子得良馬

欲令行本乘行本正色曰至尊置臣於庶子欲令輔

導非爲作弄臣也唐陸贄行狀公勤勤懇懇於章

奏間必欲致主王道固吉士也蜀李平字正方爲

都護陳震曰正方腹中有鱗甲但不可犯耳唐李

又字克治爲人耿直爲吏部侍郎人不敢干以私時

人語曰李下無蹊徑。東漢紀光武臨朝或有情容。

張湛輒諫其失。湛常乘白馬。帝每見湛輒言曰白馬。

生且復諫矣。漢紀朱雲上書請上方斬馬劍。斷佞。

臣一人頭。上問誰曰張禹。上怒將雲下斬之。雲攀折。

殿檻。宋豐稔爲侍御史。宦官寢盛。稔懷唐書上殿。

爲上讀仇士良傳數行。上曰已知稔。僞爲不聞。朗讀。

畢。言行錄呂誨字獻可任侍御入對。司馬溫公曰。

今日欲言何事。誨出袖中彈文曰論新叅也。溫公愕。

然。王安石初拜。驃馬御史。詳文職篇。唐高宗時自韓瑗褚。

相故曰新叅。忠直。三。同家。

卷四

遂良死。內外以言爲諱。高宗下詔造奉天宮。李善感始極言諫。之人謂鳳鳴朝陽。言行錄。孔道輔爲諫議。上廢郭后。道輔與范仲淹詣關門請對。宦者闔扉拒之。道輔手拊銅門環呼曰。皇后被廢。奈何不與我等進諫耶。東漢中屠剛拜侍御史。上數欲出幸。剛諫止之。不聽。乃以頭軼乘輿。使馬不前。射復當道張網事。

唐溫造爲御史。節度使季祐入朝。違制。溫彈劾之。李祐趨出。謂人曰。今日膽落於溫御史矣。唐書。德宗欲相裴延齡。陽城爲諫官。極沮之。德宗不聽。城出。

語人口。白麻出。我必壞之。慟哭於廷。延齡遂不得相。

東坡詩云。烏府先生鐵作肝。風霜卷地不知寒。

蜀志先主謂趙雲。此公一身都是膽。

郭弘霸事見賢才篇

晉書劉暉爲侍御史。武庫火。尚書郭彭率人自衛而不救火。暉正色詰之。彭怒曰。我能截君角也。暉勃然曰。天子法冠而欲截角乎。君何敢恃寵作威福耶。求紙筆作彈文奏之。彭伏罪不敢言。人勸之乃免。

忠直

二

直聲揭天正氣如日大丈夫堂堂守正獨觀明日張膽
之風真御史謬謬抗言方見逆耳犯顏之操任延素懷
忠耿寧事上官周紆獨秉剛貞頓傾貴戚歸登寄名雷
霆下肯披龍鱗冠準投身烟瘴間甘蹈虎尾強項令
千仞而孤鸞魚頭公豸一角而觸柱王義方玉階碎首
憲職班空江文蔚金闕披肝彈文紙貴劾奸劉摯陰見
睨而聿銷補闕魏謩木從繩而自正唐子方敢彈彥博
寒松應不妖范羊叔子不附王戎古瑟却無俗韻杜莘

卷四

老○兩○封○如○雷○震○奸○宄○心○寒○包○孝○肅○一○笑○比○河○清○佞○腴○膽○
落○柳○公○權○居○雄○職○可○知○棱○厲○其○肝○腸○任○伯○雨○號○愬○章○僉○
謂○神○明○其○耳○目○柔○無○茹○剛○無○吐○熊○遠○輩○之○高○標○忠○不○隱○
直○不○形○柳○惲○君○之○雅○操○正○士○敢○言○僉○壬○引○穴○端○人○在○位○
貴○戚○泥○樓○舍○豺○狼○安○問○狐○狸○爲○鷹○鷂○不○若○鸞○鳳○王○志○愔○
節○高○天○下○梗○楠○豈○樸○櫟○之○材○韋○仁○約○特○立○殿○中○鵬○鶚○非○
衆○禽○之○偶○規○徵○盡○底○蘊○二○百○餘○奏○字○字○冰○霜○范○鎮○論○儲○
嗣○一○十○九○章○言○言○金○石○是○孰○謂○柳○條○通○體○弱○抑○豈○知○石○
子○一○身○剛○法○星○懸○火○旻○楊○諫○垣○許○多○烜○赫○清○冰○山○萬○壑○

賓侍御無限威嚴

唐韋思謙爲御史。謂所知曰：大丈夫當之地，須明目張膽以報國恩。寧能碌碌爲保妻子之臣。言行錄：王素旣升臺憲，風力愈勁，嘗與同列奏事，上有不懌，衆皆引去。素方論列是非，俟得旨，乃退。帝嘆曰：真御史也。人稱爲獨擊鶻。後漢書：光武以任延爲武威太守，戒之曰：善事上官，無失名譽。延對曰：臣聞忠臣不私，私臣不忠。臣不敢奉詔。帝曰：卿言是也。周紆歸登，俱詳文職。

趙宋冠準彈劾丁謂爲丁謂所沮，竄於

忠直

三

蘭雪堂

雷州司戶除廿年而卒

強項令詳身體
魚頭公詳文職

唐書王

義方為侍御。君有過必諫之。嘗謂人曰。醉首玉階。庶

明臣節。人推為憲職之巨望。徐騎省集江文蔚嘗

為御史中丞。披肝瀝膽。彈劾權奸。朝野喧騰。傳寫彈

文。一時紙價貴。言行錄。劉摯為侍御史。彈劾蔡確。

其罪有十。又論章惇凶悍。無大臣體。皆罷職。覲胡典切賢上

去聲 魏徵之孫。官少保。慷慨立朝。議論不屈。有

烈祖風。蔡同 趙宋唐介字子方。為御史。張堯佐再

除宜徽使。介諍之。仁宗諭曰。除擬初出中書。介遂極

言宰相文彥博知益州日以燈籠錦媚貴妃致位宰相仁宗怒貶介英州別駕晉書羊祜字叔子鎮荊州不附中朝權貴王戎王衍並憾之人語曰二王當國羊公無德中興繫年錄桂義老爲御史彈劾王繼先張去爲輩封章兩上聲聞如雷之震一時都人稱骨鯁者必曰杜殿院云趙宋包孝肅公拯爲人正直不敢干以私人以其一笑比黃河之清唐書柳公權爲御史親友怪其校厲公曰御史爲雄職吾不得不爾東都事畧任伯兩性剛鯁爲諫官僅半

載所上一百八疏皆係天下治體號戇章云戇音撞

晉書熊遠遷御史中丞上每嘆其公忠謂遠曰卿

在朝正色不茹柔不吐剛真可謂王臣唐書柳惲

爲右補闕不隱忠以固位不形直以奸名可謂人臣

純節西漢薛宣傳宣字顗君鄉人爲御史中丞執

法不枉嫉惡如仇奸豪畏之皆引穴以斂其迹云

唐李景讓爲御史大夫內臣貴戚有看街樓閣皆泥

之人問故曰畏李御史彈劾耳後漢仇覽爲主簿

邑有陳元不孝覽不罰而化之考城令王渙謂曰主

簿得無少鷹鷂之志耶。覽曰：以爲鷹鷂不若鸞鳳。渙
謝曰：枳棘非鸞鳳所棲，百里豈大賢之路。唐王志
愔傳：公爲左臺侍御史，執法剛正，時人呼爲皂鵬。帝
亦謂志愔節高天下，豫樟楸楠非樸樸之比。唐書
韋仁約爲御史，與公卿相見，未嘗行拜禮，或勉之。仁
約語曰：鵬鷂鷹鷂，豈衆禽之偶。奈何褻以狎之。唐
魏徵字元成，太宗拜諫議大夫，引至臥內，訪天下事。
凡上二百餘奏，無不剴切當帝心者。言行錄：范鎮
字景仁，仁宗未有繼嗣，嘉祐初得疾，中外危恐，公獨

奮曰天下事尚有大於此者乎其章疏凡十九上其
奏爲白。職官分紀。柳調爲御史。楊素戲之曰。柳條
通體弱。獨搖不禁風。調正色曰。調信無可取。公不當
以爲侍御史。信有可取。公不當發此言。素奇之。唐
史。石雄敢殺善職。臨財不苟取。人有過。必折之。時語
曰。石子一身是剛。劉禹錫送楊侍。驚鳥得秋
氣。法星懸火晏。

竇侍御詳
廉潔篇

恬澹

退然自處淡矣無求。左絃右壺誰識箇中雅趣。南鄰北里共成物外佳游。溪山不換王侯。風月迭爲賓主。咳唾。倘來軒冕箕山。試揭許由瓢杖。藜歸去田園彭澤。頓辭陶令印。歐陽子茅簷涼簟。豈想王堂司馬公流水青山。姑從獨樂李鄴侯。五不可一毫世味不關心。司空圖三宜休兩字功名。非着意華山風景好。宋齊丘誠知足之人。雲觀夢魂甜扶搖子。固長眠之客。裴晉公堂開綠野。宦途上息足爲安。白樂天社結香山。苦海中回頭是岸。

嵇叔夜與朋儕行樂縱飲竹林。呂僧珍勉子姪無求亟歸。蔥肆羊裘一着。嚴陵灘上客。星高鳳閣不登。元結洞中兵燹遠。好鳥偏留客。可嘉秦系之高吟。碧山不負吾更羨張褒之長嘯。

柳文不矍矍於進取。左絃右壺樂以自放。陳后山

答秦少游書云。師道潛處草莽。暇日與北里南鄰量晴較雨。傅公乃欲以禮見之。僕有汶上之想耳。趙宋李柬之致仕。以山水自娛。常語人曰。溪山不換王侯。王侯亦不換溪山。宋謝諲云。入吾室者。但有清

風對吾飲者惟當明月

通鑑許由隱箕山潁水間

人遺以一瓢掛瓢於樹風吹瓢有聲山以爲煩遂搗

而去之

晉書陶潛爲彭澤令上官至吏請束帶往

見之潛曰吾不爲五斗粟折腰事鄉里小兒遂解印

而歸

歐陽永叔內制序云嗚呼子老矣方買田淮

潁之間涼竹簟之暑風曝茅簷之愛日顧瞻玉堂如

在天上

司馬溫公獨樂園云青山在屋上流水在

屋下

唐李泌封鄴侯相肅宗辭去云臣有五不可

仕遇太早陛下用臣太重恩太深功太高迹太奇

唐司空圖致仕居中條山作一亭名曰休休謂量才一宜休。揣分二宜休。老而賸三宜休。自稱耐辱居士。

五代史宋齊丘相李主昇上表乞歸九華山其畧

云千秋載籍願爲知足之人九朶峯巒永作乞骸之

客。陳希夷隱西華雲臺觀中先生好睡每睡數日

而醒。唐裴度封晉公致仕歸開綠野堂涼臺煥館

其焉與白居易劉禹錫把酒相歡不復問人間事

香山居士
許耆英篇

晉嵇康字叔夜與山濤阮籍阮咸向秀

劉伶王戎爲竹林之遊時謂竹林七賢。詩史梁呂

僧珍爲冠軍將軍。其先以販蔥爲業。及僧珍貴。其子
姪棄業求官。僧珍不許。曰。汝等自有常分。豈可妄求。
當亟歸蔥肆耳。漢嚴子陵身披羊裘釣富春山。光
武物色求之。旣入朝。與光武共寢。以足加帝腹。次日
太史奏曰。客星犯帝座。元結事唐秦系致仕歸。詳地理
春賦詩云。好鳥偏留客。嬌花欲媚人。一樽歸興晚。物
我總成春。梁張褒天監中。不供學士職。御史欲彈
劾之。褒嘆曰。碧山不負吾。乃焚章長嘯而去。後人詩
云。碧山學士焚銀魚。白馬却走深巖居。蓋本此。

恬澹二

急○流○勇○退○晚○節○後○凋○使○君○相○重○名○節○之○人○爲○國○家○倡○廉○
退○之○俗○景○公○千○駟○無○得○而○稱○富○貴○何○爲○顏○子○一○瓢○不○改○
其○樂○貧○窮○奚○害○一○竿○風○月○獨○羨○涪○翁○半○榻○烟○霞○還○高○退○
叟○草○廬○隱○諸○葛○常○賔○梁○父○之○吟○莘○野○處○阿○衡○何○慕○商○王○
之○聘○法○孝○直○南○山○之○南○北○山○之○北○春○秋○白○可○徜徉○孔○文○
昇○後○漢○之○後○前○漢○之○前○今○古○從○其○上○下○洗○硯○魚○吞○墨○烹○
茶○鶴○避○烟○魏○處○士○清○操○傳○杯○月○在○花○欹○枕○風○敲○竹○鄭○使○
君○雅○興○也○足○軒○裏○覺○範○道○人○無○囂○紛○安○樂○窩○中○康○節○先○

生絕塵俗。碧山學士焚魚去。清趣何多。白頭老監枕書
眠。黑甜自適。焚香修菊。譜韓見素。何等優游。鋤月種蘭。
花王德章不勝散誕。楊素公無心以圖富貴。竊羞羣豸。
之慕羶。陳仲子滅跡以辭公卿。可比飛鴻之避弋。韓特
國作鷗。鳬伴侶雅致。翩翩韋表微。爲松菊主人。高懷爽
來。采羅含之蘭餌。胡廣之菊。狄梁公且教明月知心。掛
神武之服。把富春之竿。呂文煥不向畏途。著脚林和靖。
孤山放鶴。眼中喜見羽儀。孔稚珪草徑留蛙。耳底忻聞
鼓吹。安步當車。晚食當肉。更是高人。皓月爲友。風爲

朋○正稱佳士○啼鳥不驚人事間○梅花爲報陽春蚤○
寶侍御之幽棲○秋光都似宦情薄○山色不如歸興濃○猶
羨王參軍之嘉遯○

宋錢若水字淡成○新安人○爲舉子時○見陳希夷於華
山○希夷與一老僧○方擁爐坐○熟視若水○以火筋畫灰○
寫○做不得三字○謂做不得神仙徐曰○急流中勇退人也○後再
往○希夷曰○吾始見子○神清氣朗○謂可作仙○特召此僧
決之○渠云○子但能作公卿耳○後若水爲樞密副使○年
四十致仕○老僧乃麻衣道人使君相二句○唐文粹語○唐

陸龜蒙號涪翁性不喜與俗人交常乘小舟設蓬牕
筆床茶竈詩卷酒杯杖屨釣具往來烟渚間時號江
湖散人東都事畧朱昂爲學士請老而歸於所居
作二亭曰知止曰幽棲自號曰退叟蜀志法正字
孝直常幅巾見扶風守守曰哀公雖不肖猶臣仲尼
柳下惠不去父母之邦欲相屈爲功曹何如正曰正
以明府相待有禮故特見之必欲以吏使之正將在
南山之南北山之北守遂不敢屈元孔文昇先聖
五十四代孫也或勸之仕答曰後漢之後前漢之前

上○下○古○今○吾○所○願○也○不○願○仕○也○

魏野宋真宗朝隱

士○屢○徵○不○起○嘗○賦○詩○有○云○洗○硯○魚○吞○墨○云○云○

朱鄭

守○愚○爲○郡○守○致○仕○歸○嘗○作○詩○有○聯○云○睡○驚○可○忍○風○敲○

竹○飲○散○那○堪○月○在○花○

韻府羣玉黃山谷有題覺範

道○人○也○足○軒○之○詩○取○兩○三○竿○也○足○之○義○

邵康節安

樂○窩○詩○云○物○而○善○得○終○爲○美○事○到○巧○圖○安○有○功○不○作○

風○波○於○世○上○自○無○冰○炭○到○胸○中○

碧山學士
詳前篇

東都

事○畧○張○齊○賢○子○宗○誨○改○秘○書○監○致○仕○謂○其○子○曰○吾○作○

白○頭○老○監○枕○書○眠○何○必○學○賀○老○作○流○沙○之○服○耶○
宋

咸平元豐監察御史韓見素爲刑部員外郎遂致仕
家居賦詩云焚香修菊譜滴露注茶經明王德章
性恬澹作詩云結束學庄家功名等戰蝸三春無一
事鋤月種蘭花北史楊素少多才藝有大志不拘
小節周主命素爲詔書下筆立成辭義兼美周主曰
善自勉勿憂不富貴素曰但恐富貴來逼臣臣無心
圖富貴陳仲子楚王遣使賁金百鎰聘爲相仲子
謀之於妻妻曰結駟連騎所安不過容膝食前方丈
所甘不過一肉今爲容膝之安一肉之甘殉楚國之

憂恐夫子之不免也。夫妻逃去爲人灌園。趙朱韓
維字持國請告老曰。吾欲尋鷗鳬作伴。與鹿豕爲羣。
耳。唐書。韋表微擢進士。授監察御史。不樂曰。爵祿
譬滋味也。人皆欲之。吾年五十。對鏡剪白。雜少年中。
取一班一級。不見其味。將爲松菊主人。不媿陶淵明。
云。晉羅含歷散騎常侍。年老致仕。階下蘭菊叢生。
狄仁傑告老表云。采羅含致仕之蘭。餌胡廣延年
之菊。南史。陶弘景掛冠神武門。不仕而歸。呂文
煥爲刑部郎。忽動隱興。謂人曰。仕宦畏途也。吾欲掛

服神武投竿富春博一清散耳趙宋林逋字君復
隱居杭州孤山常蓄兩鶴縱之則飛入雲霄盤旋久
之復入籠中逋常乘小艇遊西湖有客至逋所居一
童子延客坐開籠縱鶴則逋必棹船而歸真宗聞其
名賜號和靖處士北齊孔稚珪庭階下草萊不剪
中有鳴蛙謂人曰吾以此當兩部鼓吹戰國策顏
觸對齊宣王曰觸願得晚食以當肉安步以當車無
罪以當貴清淨貞正以自娛則再拜辭去君子曰觸
知足矣歸真反璞則終身不辱文苑英華賈叔向

爲侍御史。致仕歸。嘗賦詩云。歸去閒閒十畝間。紅塵
應不到柴關。梅花爲報陽春蚤。啼鳥不驚人事閒。
張乖崖守蜀。有錄事叅軍王姓者。老病留別詩云。秋
光都似宦情薄。山色不如歸興濃。乖崖曰。幕下有詩
人。奈之何不相聞耶。厚禮遣之。

力量

精○神○五○兵○肝○膽○一○劍○馳○王○駮○驟○帝○馭○駿○業○恢○宏○幹○坤○軸○
撼○乾○樞○鴻○猷○卓○越○朝○廷○重○於○九○鼎○君○相○倚○如○泰○山○障○瀾○
滄○海○之○中○風○鵬○逸○致○洗○日○虞○淵○之○內○天○驥○良○才○毛○遂○叱○
勁○楚○軟○盟○勢○凌○霄○漢○相○如○逼○强○秦○擊○缶○氣○靡○虎○狼○天○下○
英○雄○惟○使○君○先○吳○中○士○夫○出○項○梁○下○毅○然○以○身○任○朝○廷○
責○曹○沫○一○劍○刼○桓○公○誓○不○以○賊○爲○君○父○髮○子○儀○單○騎○降○
回○紇○不○探○虎○穴○焉○得○虎○子○呂○家○人○實○生○烈○志○之○兒○直○入○
龍○宮○乃○取○龍○珠○河○上○翁○更○有○雄○心○之○子○冠○準○澶○淵○之○役○

力主奇謀。謝玄淝水之師。獨收全筭。趙雲當陽出阿斗。
左衝右突。誰與爭鋒。樊噲鴻門翼漢王。前蔽後遮。竟難
加害。班超三十六人使西域。名震邊戎。劉崇一百二卒
攻宛城。勢雄中國。陸秀實解郭晞軍變。凜乎太阿三
尺之鉞。汲長孺寢淮南異謀。挺挺乎明堂一柱之用。种
諤請特夏國臂。落落英雄。陳湯誓斬郅支頭。奇奇豪傑。
吳將百翎劫曹寨。眼底應無勍敵。存唐軍三箭定天山。
胸中別有神機在。威震華夏。關雲長寧非摧枯斫朽之
鋒。口伐可汗。鄭元璫便是壁壘過都之馬。

韓詩腸胃繞萬象精神驅五兵。杜詩丹膽一古劍。
波濤兩浮萍。唐文粹云。乾坤軸撼乾樞鼓元氣而。
雷域中騰百川而雨天下。韓文障百川而東之回。
狂瀾於既倒。狄仁傑傳。洗日虞淵。史記平原君。
使毛遂至楚。言合縱之利害。日中不決。毛遂曰。縱之。
利害兩言而決耳。王怒叱之。遂按劍曰。王之所以叱。
遂者。以楚國之衆。今十步之內。不得恃衆也。王乃軟。
血爲盟。史記趙王與秦王澠池之會。秦王令趙王。
鼓瑟。趙王鼓之。藺相如請秦王擊缶。秦王不擊。相如。

曰、五、步、之、內、臣、得、以、頸、血、濺、君、秦、王、不、得、已、而、擊、之、

天下英雄曹操與劉先主語詳天文

項羽傳吳中賢士大夫皆出

項梁下每吳中有大繇項梁常爲主辦左傳齊桓

公伐魯魯三敗莊公請獻遂邑地桓公將與魯盟於

柯曹沫以匕首劫桓公於壇上曰反魯之侵地桓公

不得已而還之子儀呂蒙事俱詳武職篇莊子河上有家貧

者其子沒於淵得千金之珠其父曰珠在九重之淵

驅龍領下子能得之遭其睡也若使其寤子爲整粉

矣整同齋言行錄契丹寇瀘淵寇準勸御駕親征至

澶淵。又勸帝渡河。士卒望見其車騎。呼萬歲。聲聞數
十里。契丹遂靡。相與定盟而去。蜀志。曹操追玄德
於富陽長坂。趙雲抱阿斗於懷。以數騎左冲右突。無
人敢抵。史記。沛公會項羽於鴻門。范增舉玦。有殺
之之意。樊噲擁盾而入。皆張血。迸羽曰。壯士也。增乃
不敢加害。漢書。班超以三十六人使西域。聞比使
在繕善。進因夜以火攻。斬其使及衆三十餘級。繕善
驚降。遂平西戎諸國。漢書。劉崇起兵討王莽。纔一
百二人耳。與劉秀共舉大事。卒成中興偉業。唐代

宗紀郭晞縱士卒爲暴軍士十七人入市取酒刺酒
翁秀實列卒取十七人首注之槊上晞一營大譟盡
甲節度使白孝德恐秀實曰請往解之陸隨以老覓
者一人馳馬至晞門下甲者出秀實曰殺一老卒何
甲也甲者謬然晞盡叱退之變隨解通鑑漢淮南
王安與賓客左吳等爲反謀且曰漢廷大臣獨汲黯
好直諫守節死義難惑以非若公孫等外發蒙振落
耳東都事畧种世衡子諤字子正爲鄜延路副總
管時夏國秉常爲母所囚种諤入對大言曰夏國無

人乘常璚子耳。臣請持其臂而來。神宗壯之。漢元
帝時。陳湯甘延壽同使外國。郅支單于乃殺漢使二
人。陳湯爲人沉勇。喜立奇功。遂矯制發諸國兵。四面
圍擊。單于被創死。二人大捷而歸。湯封關內侯。延壽
義成侯。吳志。甘寧率麾下精壯百人。皆首插白翎。
爲識。夜劫曹公寨。天明歸。不折一人。薛仁貴事詳前武職
蜀志。關雲長水拚七軍時。威震華夏。唐書。突厥攻
太原。鄭元璠持節往勞。旣至。敵以不信。咎中國。元璠
隨語折讓。無所屈。徐乃數其背約。突厥愧服。引軍迎。

太宗賜書曰知卿口伐可汗邊烽息燧。朕何惜金石
賜於卿哉。旁音孰可汗音克寒君長之稱

勇敢

氣○蓋○羣○公○眼○空○四○海○自○任○以○重○隱○然○負○海○巨○鰲○獨○立○不○
移○屹○若○擎○天○高○柱○許○少○施○巧○膂○力○絕○人○力○折○秦○成○剛○強○
冠○世○孟○賁○拔○出○牛○角○曠○世○寡○雙○惡○來○裂○碎○豹○頭○歷○朝○少○
二○飲○飛○勇○士○斬○兩○蛟○却○有○餘○能○夏○育○雄○夫○舉○百○鈞○更○無○
難○事○曳○九○牛○之○尾○許○仲○康○千○古○俊○豪○殞○兩○虎○之○軀○卞○莊○
子○萬○夫○智○勇○周○處○殺○南○山○虎○烈○氣○無○倫○廣○陵○搏○西○園○熊○
雄○心○獨○壯○英○風○萬○人○敵○尉○遲○奪○元○吉○之○稍○猛○氣○列○朝○空○
烏○獲○舉○恭○王○之○鼎○更○見○蜀○國○王○五○丁○鑿○路○還○聞○夸○娥○氏○

二子負山叔梁紇獨持縣門驚碎國君之膽薛孤延敢
鬪霹靂挫殘雷部之威李存孝力折金戈王彥章手伸
鐵梁鐵猛獸左奔右突陣陣皆羸王夜叉直撞橫衝人
人盡靡項羽自江東崛起當代威稱力拔山樊噲請塞
北橫行至今尚想威如虎楊無敵果人無敵石敢當又
誰敢當朱天使乃屬狄青頓使敵人褫魄漢飛將曾名
李廣必令邊境銷魂激烈如桓石虔令磐愈病子之瘡
魁梧若張文遠韞名止小兒之啼甘延壽拔距踰倫蓄
丘訢斬蛟駭衆疾雷將人人奮勇可爭先鴈子都個個

英雄堪殿後。典韋手中雙戟。是曹公護法金剛。朱亥袖裏一椎。乃晉鄙追魂使者。

氣蓋羣公二句。唐文粹語。

地輿志。渤海東有員

蓬萊五山。常隨潮波上下。帝命巨鯨舉首戴之。始峙而不動。藝文類聚。許少施巧。皆古捷人。藝文類聚。折秦成。皆古壯士。孟賁古勇士。齊人也。能力拔生牛角。惡來秦勇士。能生裂虎豹之首。伏飛乃楚莊王勇士。莊王渡江。有二蛟夾王舟。舟欲覆。伏飛乃入水中。斬其二蛟。浪遂平。春秋時。夏育衛人。

也。力舉百鈞。魏志許褚字仲康家有刼賊將九牛去褚追於途曳九牛之尾而轉之時號爲九牛許褚卞莊子遊山谷間見兩虎鬪謂同行者俟其少倦可併殺之人謂其勇而有智晉周處少時凶狠使氣爲鄉里所患父老憂之處問其故父老曰義興水中有蛟南山白額虎并子爲三害處乃斬蛟刺虎自改行淬礪爲忠臣孝子西京雜記廣陵王育有膂力嘗於文帝太子思賢苑別圃學格熊後遂能空手搏馬

尉遲奪稍
詳武職篇

春秋時烏獲有勇力恭武王命力

士孟說共舉鼎。孟說截脰死。烏獲則舉鼎絕倫矣。

鑿路負山
並詳地理

左傳晉智罃會諸侯圍偃陽城偃陽人

啓城門諸侯兵進縣門下孔子父叔梁紇極勇力以

手持之諸侯兵進遂滅偃陽

縣同懸縣門
謂深門砲石

北齊薛

孤延從神武閭馬道逢大雷電火燒浮圖延按緒大

呼繞浮圖走火遂滅延鬚及馬鬣皆焦神武嘆曰烈

哉延也乃敢與霹靂鬪後周蔡祐與齊戰着明光

鑑甲所向無敵號鐵猛獸宋王德高宗將勇猛絕

人號爲王夜叉先是王德以十六騎徑入隆德府縛

金守臣獻於朝。故人以王夜叉名。史記項羽困於
垓下。作歌云。力拔山兮氣蓋世。時不利兮騅不逝。騅
不逝兮可奈何。虞兮虞兮奈若何。漢史匈奴數遣
書嫚罵呂后。樊噲請以十萬衆橫行塞北。呂后壯之。
曰。真虎臣也。趙宋楊繼業。勇力絕倫。號爲楊無敵。
石敢當。五代晉祖之將也。極勇力。晉祖與愍王爭。
忿。敢當袖鐵鎚殺愍王左右。狄青李廣俱詳武職晉書桓
石虔。小字鎮惡。勇猛絕人。有病瘡者。稱其名怖之。其
瘡輒愈。魏張遼。字文遠。與吳戰大勝之。吳人盡畏。

其威名吳中小兒啼者呼其名震之曰張遼來卽止。

聶音

漢書甘延壽投石拔距絕於等倫。拔距者

人相把據地以爲堅能拔取之也。研國蓄丘訢勇

士也。過神淵飲馬。馬沈。訢拔劍斬二蛟。雷神隨而激

之。訢與關眇其一目。唐鄭畋鎮鳳翔募勇士五百

每出陣號疾雷將。五代史梁朱瑾募壯士黥雙鴈

於頰號鴈子都。魏典韋手持雙戟各重八十斤

魏朱亥有勇士也。秦圍邯鄲魏公子無忌矯魏王令

發兵救趙。時兵符在晉鄙處。鄙疑之。亥袖四十斤鐵

雅惟殺晉鄙遂將兵救趙